

31.
Kaj

moja
cesta



Moja cesta

31. SMOTRA
DJEČJEG KAJKAVSKOG
PJESNIŠTVA
“DRAGUTIN DOMJANIĆ”
- SV. IVAN ZELINA 2011.

Priredio
Dr. sc. Ivo Kalinski

Sveti Ivan Zelina
listopad 2011.

Mala biblioteka
»Dragutin Domjanić«
knjiga 63.

Nakladnik

Pučko otvoreno učilište Sv. Ivan Zelina

Za nakladnika

Ivica Kukovačec

Urednik

Dr. sc. Ivo Kalinski

Naslovnica

Nikola Kavić

Likovna interpretacija pjesama u zbirci

učenici osnovnih škola sudionica Smotre

Grafičko-tehnička priprema

POU Sv. Ivan Zelina

Tiskano u 500 primjeraka

Tisak i uvez: Tiskara »Zelina« d.d.

CIP zapis dostupan u računalnom katalogu Nacionalne i
sveučilišne knjižnice u Zagrebu pod brojem 781464.

ISBN: 978-953-6540-50-1



31. Smotra
dječjeg kajkavskog pjesništva
»Dragutin Domjanić«
- Sv. Ivan Zelina 2011.

Na poziv Pučkog otvorenog učilišta Sv. Ivan Zelina za sudjelovanje na 31. smotri dječjega kajkavskoga pjesništva »Dragutin Domjanić« – Sv. Ivan Zelina 2011. odazvalo se 56 osnovnih škola s ukupno 288 učeničkih radova. Ocjenjivačko povjerenstvo u sastavu dr. sc. Ivo Kalinski (predsjednik), prof. dr. sc. Joža Skok i mr. sc. Božica Pažur, za objavu u ovoj zbirci odabralo je 52 rada od kojih je 31 predložen za javnu izvedbu na završnom događanju Smotre 22. listopada 2011. u Sv. Ivanu Zelini.

Kazalo

Riječi urednika

Ivo Kalinski: Od intimizma do traganja vlastitog puta	VII
--	-----

Moja cesta*

Pogledaj, čuj!

Paula Blagus: Moj kraj	11
Lea Blažeković: Vlovil me strah	12
Lucija Brčić: Belec	13
Maja Cerovečki: Smeh	14
Lorena Crnković: Moja sestra	15
Magdalena Cukor: V hladu	16
Ines Češnjaj: Vyzemnico	17
Patricia Dedi: Pogledaj, čuj!	18
Marta Grđan: Zagreb vu srcu	19
Dalibor Gredelj: Coprnica	20
Martina Hmelina: Dež	22
Anja Hoge: Pubertet	23
Tea Horžić: V sakom je kotu Liepe Naše	24
Iva Hudolin: Spumad	25
Valentina Kladić: Babičini vanjkuši i blazine	26
Marta Kopričanec: Dečki	28

Najže

Ana Krhač: Hmajugač	31
Niko Kulišić: Kak srečen bum bil	32
Leonarda Lazarin: Črlena	33
Melani Lesjak: Mama	34
Klara Katarina Lihtar: Kmica	35
Luka Lipovac: Damača rejč	36
Dora Marković: Jobuka prove	37
Lucija Mlinarić: Dešč	38
Marko Okun: Peharček	39
Diana Papec: Mačkari	40
Luka Perković: Najže	41
Marija Petrić: Singerica	43
Jurica Planinc: Mrzlina	44

Katarina Plantak: Moj dobri anđelek	45
Luka Pleše: Kaku je lipu bedast bet	46
Nikola Pokrajčić: Pauk	48

Moja cesta

Darija Posavec: Nije lefke	51
Jan Lav Pugar: Moj zavičaj	52
Zvonimir Puškaš: Regvet	53
Ana Sakač: Moja cesta	54
Antonia Stepanić: Megla	55
Nikola Šanjug: Jutro	56
Sara Laura Šarančić: Dijalektni haiku	57
Lucija Škreb: Manekenke	58
Nikolina Škrlec: Kruhek je Božji darek	59
Tomislav Špehar: Jesen	60
Nikola Špoljarec: Nevreme	62
Marin Štimec: Vure	63
Paula Tomica: Kod babice na selu	64
Katja Topolovec: Hudi cajti	65
Sebastijan Tukač: Kaj da dielam?	67
Valentina Vrtarić: Sličica	68
Kristijan Vuković: Proliće u mom selu	69
Lovro Zenko: Jednoga jutra	70
Lovro Zenko: Raspele	71
Iris Žuti: Zdenček	72

Kazalo autora likovnih priloga	74
Osnovne škole koje su se odazvale na natječaj	75

* Autori/autorice pjesama poredani/poredane su abecednim slijedom.

Od intimizma do traganja vlastitog puta

Ako se, od nekoliko stotina na natječaj pristiglih, na osnovi odabranih radova za ovogodišnju 31. Smotru dječjega kajkavskoga pjesništva “Dragutin Domjanić” Sv. Ivan Zelina hoće izreći cjelovit dojam stručnoga ocjenjivačkog tijela, onda se može reći kako ovogodišnja pjesnička manifestacija naših osnovnoškolaca kajkavskoga govornog područja ni temama, ni motivima, pa ni jezikom nije bitno bolja ni slabija od svih proteklih.

Kao i na proteklim smotrama, i ovaj put, i to na prvom mjestu, tematska i sadržajna povezanost uz zavičaj (topografijom!) i zavičajnost (kvalitetom!) kajkavskoga podneblja emotivno je izrečena/ispjevana spontano, vrlo dojmljivo, dakako i nostalgično, pri čemu se već naziru i prvi znaci rasapa zavičajnog intimizma (*Moj zavičaj, Zdenček, Peharček, Vyzemnico, Najže, Kod babice na selu, Babičini vajnikuši i blazina*).

Uz roditeljski dom, roditelje, odgoj, često vežu se one najintimnije oznake (*Mama*), nerijetko se spominju, ili im se na poseban način obraća, duhovno-svjetonazorni orijentiri (*Raspelo, Moj dobri anđelek, Kruhek je Božji darek*). Primijetiti je također, što je posebno pohvalno, da je neposrednost i spontanost izričaja, koji je pokadšto “hrapav”, ipak ponajprije ustanovljiva kod najmlađih, naime prvog, drugog i trećeg razreda.

Odrastanje donosi mnoge i raznovrsne probleme, s jedne strane one intimne (*Črlena, Dečki, Pubertet*), s druge one u kojima mlado biće zbog zabrinutosti stanjem općezivotnih stvari razaznaje traganje vlastitog puta (*Moja cesta*).

Ponekad će se odupiranje izvanjskome manifestirati vapajnim zazivanjem (*Poglej, čuj!*), ponekad upitom (*Kaj da*

dielam?), a ponekad će se rješavanju problema pribjegavati huncutarskom igrarijom (*Kak je lipu bedast bit*).

Iako bi se s pravom moglo reći kako je ova javna i knjižna manifestacija pjesničke riječi specijalistička jer se svodi na osnovnoškolce kajkavskoga govornog područja, isto se tako s pravom – s obzirom na narav hrvatskoga jezika (ne standarda!) - može reći kako je ona u odnosu na predmet kojim se bavi prije svega edukacijska i znatna podloga za (kasnije) bavljenje onom višom razinom, propedeutičkom.

Upravo zato i ponad svega vrijedno je istaknuti tu gotovo apoteoznu obuzetost kajkavskim jezičnim izričajem naših osnovnoškolaca – stvaralačku obuzetost kajkavskim jezikom kojim se sve to iskazuje (*Domaća reč*), čega zasiguno i ne bi bilo bez pomoći svih onih samozatajnih odgojno-obrazovnih poslenika od učitelja, nastavnika i profesora do voditelja i mentora, koji u sklopu slobodnih aktivnosti posebnim marom skrbe o kreativnim mogućnostima gorskokotarske kajkavštine, onoj središnjeg dijela Hrvatske, zagorskoj, međimurskoj i podravskoj – svjesni kako su i te fonološko-fonetske varijacije dragocjeno ogledalo cjelokupnog našeg jezičnog bogatstva.

Ivo Kalinski



Poglej, čuj!

Paula Blagus, 4. razred
Voditeljica: Tatjana Pintarić
OŠ Domašinec, PŠ Dekanovec

Moj kraj

*K*am god pojdem,
kam god se brnem,
se koli mene je zelieno.

Vidim i osečam
polja, livade, šume,
ljude, decu i životinje.

Osečam okus jagodi,
tečnih čriešji,
šumskih bobici.

Čujem kak šlafuri potok,
fljetna i divlja Mura,
vkročena Drava.

Osečam duhu starih hiži,
govor starih ljudi,
igru male djece.

Lea Blažeković, 6. razred
Voditeljica: Branka Jakupec
OŠ „Antun Nemčić Gostovinski“ Koprivnica

Vlovil me strah

*N*a črešnjo sem se
spentrala visoko.
Ne bilo težko.
Pogledneš grano jeno,
sa se črleni.
Za drugom posegneš
ta se kak žar žari.
Črešnjice, črešnjice,
črlene ste mi i lepo
bi mi pasale za rinčice.
I tak bereš i ješ,
i ješ i bereš,
za visino i vreme zabiš.
Dok dole jempot pogledneš,
celoga života, od straha, se setiš.
Ona grana pod teбом je daleko
i noga jo nemre doseči.
Kak čuk na visoke grane sedim,
i v zemlo željno gledim -
- i čakam.
Morti se bo nešče smiloval
i po mene došel,
dole me zel
(samo nek me ne bo špotal).
A kaj morem kad so mi črešnje tak dobre!

Lucija Brčić, 7. razred
Voditeljica: Bojana Andreć
OŠ Belec

Belec

*Z*eleniju se liepi
belečki bregi
ter ih sounce obasjava.

Gora Ivanščica
i njezine šume
Belec moj dragi pukrivaju,
a hižice male i
skoučene stujiju i tihe
šepčeju.

Marija Sniežna
čuva nas ud zla,
a škuolica liepa
vuči nas dobrega.

Belec moj dragi,
nigda te nem puzabila.
Navek te bum
v srcu nosila.

Maja Cerovečki, 7. razred;
Voditeljica: Ivana Čavuzić
OŠ Side Košutić, Radoboj

Smeh

Od vuha do vuha
on leži
i nigdar z dečjeg lica
on ne beži.

Navek tam stoji
jer ničeg se ne boji.

Niti soza ga ne stira.
Dok ne zagreje se oko sebe,
nema nira.



Lorena Crnković, 6. razred
Voditeljica: Jasna Šepac, prof.
OŠ Brod Moravice

Moja sestra

*D*ikiljca ena mahana
ka da je pala s hruške.
Šteje, piše, viči, spi –
se dela potrbuške.

Dikiljca ena mahana
nigdar ne bu stala.
Stalno biciklj vozi
i sa je kolena zgrašpala.

Dikiljca ena mahana
nigdar nema mera.
I po sonci
i po vetri
i po dažji
svojoj biciklj tira.

Magdalena Cukor, 6.razred
Voditeljica: Dina Bobetić
OŠ Šemovec

V hladu

*V*hladu jenoga hrasta
sam sedela
i v daljinu gledala.

Za zlatnoga polja
popevka se čula
i vidli su se maki črteni
kak zibleju se na vetru.

I mlin se klopotavi čul,
kak da z vodom se spominal.
Potok je v šumi veselo popeval,
a sonce se v njemu šepurilo i gledalo.

Veter se je z travom igral,
njihal ju sim, njihal ju tam,
a trava zelena z njim se smejala.

V hladu jenoga hrasta
bila sam srečna.

Ines Češnjaj, 7. razred
Voditeljica: Đurđica Stubičar
OŠ Franje Serta, Bednja

Vyzemnico

Vjutre rune ne Vyzem
Voužgoli sma vyzemnicu
Ne briegu
Ecgeri hieža staura.
Plauven njajni zlotni
Zdiegavol sa visake
K nabe...
Iskranja žerače
Letela ja sapesyek...
V sarce
Biel ja Isusek,
Biel ja Byek.



Patricia Dedi, 8. razred
Voditeljica: Jelena Okić Premec
OŠ Legrad

Poglej, čuj!

*P*oglej, čuj
Oseti kak
Ftičeki popevlu
Samo za nas

I gle kak nas sonce
V šaki stišče
Kak ono rada
Nega nas nišče

Pak nas veter
Kak mati svoja
Od zime skriva
Za to nas vreme
Rosa vmiva

I volim jo
To blogo
Na svojem lico
Jer si unda sličim
Na v leto tico

Marta Grđan, 5. razred
Voditeljica: Aleksandra Kulari, prof.
OŠ Vjenceslava Novaka, Zagreb

Zagreb vu srcu

*D*ok te gledim
pri srcu te čutim toplo i milo,
a saki park tvoj hoće me zeti
vu svoje krilo.

Po leti fontane tvoje
hladiti me znaju,
a slemenske steze
tak puno lepoga mi daju.

V jesen nemrem oči meknuti
s tebe, malo si žut pa rjav
il' se pak kakti Dora zlatiš
tam pri Kamenitih vrati.

V zimi saki tvoj kamen blešči
tiho kroz vulice hodim i mislim v sebi:
Navek bum dete tvoje
i navek bum ostala v tebi.

Dalibor Gredelj, 5. razred

Voditeljica: Ana Šare

OŠ Antuna i Ivana Kukuljevića, Varaždinske Toplice

Coprnica

Jesen je tu!
Seposod hodi i šara
Kak coprnica stara
Zeleno v žoto pretvara.

Čez naša pola
Polefko se šeče
I zelene kuruze
V zlato presvleče.

Čez brege i dole
Megla siva i gosta se vleče
I po njimi
Rosu srebrnu nameče.

I bregi i doli
I blatni su poti,
A po njim opadaju
Listeni sohi i žoti.

Mrzli deždi curiju,
A ftičeki mali
Zbog nje
Na jug topli letiju.

Suhi listi po zraku letiju,
Ljudi kak splešeni
Pred mrazom i deždrom
V hiže tople bežiju.

Vetri jesenski
Po cele dane pušeju
Mrzlu zimu i sneg
Nam po cele dane javljaju.



Martina Hmelina, 6. razred
Voditeljica: Ljubica Čudić, prof.
OŠ „August Cesarec“, Krapina

Dež

*N*a okne mi kaplje,
tanca po bregi,
brezu hmivlje,
dež curi

Čez grmlje se provlači,
zemljicu smače,
travi diže peruti,
dež curi

Oblake, žmehke prazni,
veter mu nosi kapi,
reki bujaju slapi,
dež curi

Črlene ambrele se otpiraju,
nad glavi ljudmi stojiju,
od deža ih skrivaju
dež curi

Anja Hoge, 6. razred.

Voditeljica: Marina Hrga - Arh, prof.

OŠ „Petar Zrinski“, Čabar

Pubertet

Ko je hud ta pubertet,
na guavo te uobrne svejt.
Na pamet te uopče na pada šula,
a kamoli jegrače,
t'r nejse več mula.
Rajše se muziko guasno naviješ,
semen v hiše bubnjičke rezbiješ.
Če te slučajnu prgavarja mama,
več se pakiraš,
ževejva buš sama!

Da tok na pude, hitru skužeš,
i poule se ipak z mamo padružeš.
Mama te rječe da se se bu rejšuo,
prejšuo je se njih,
i mjene bu prejšuo.
Zdej videš kok to zgliga!
Ko v glave nejmaš nikakuvega rida!

Tea Horžić, 7. razred
Voditeljica: Ivana Nogić
OŠ Ljubeščica

V sakom je kotu Liepe Naše

*S*igde ga je liepe čuti:
i v dolu,
i na briegu,
i po suši,
i po sniegu,
i v selu,
i v gradu,
i po vručini,
i v hladu.

Z Velebita
vieter ga hiče,
z runolistom,
on se prepliče.

Moči ga je najti
v sakome kotu Liepe Naše,
on ide po vuskome potu
i čez široke salaše.

Na krilima vietra
sokol ga nojsi,
pod zviezde ž njim leti.
Naviek nas prati,
naviek gledi
jezik naš hrvatski.

Iva Hudolin, 3. razred
Voditeljica: Tatjana Turk
OŠ „Petar Zrinski“ Čabar, PŠ Tršće

Spumad

*Z*ima je prejšua,
spumad je pršuo,
sunčke jačje svejtle
je vse je več f cvejte.

Narcise, tulipane, fijulkce
več so vena,
a zvečir nej tok hmale tema.

Hedu je lepu
ke se na spumad priroda bedi
je ko so vesile vse ledi.



Valentina Kladić, 8. razred
Voditeljica: Ljudmila Kladić
OŠ Ludbreg

Babičini vanjkuši i blazine

*N*egda se neje odišlo v dučan
I moglo vanjkuše kupiti.
Prvo je trebalo meti čuče
I perje pospraviti.

Čehole so vredne bile,
Sako večer so po hižami hodile.

Uz kupicu vina, zdiganoga koloča
Bilo je tu pesme i smeha,
Pajdašije, fakinaže,
Volanja i hitanja po podu,
A i kojekakve blamaže.

Babica je pozila svoje blogo
Kak oko v glovi.
Natepala je, presušala
So deco z mirazom nadelila
I presrečna bila.

Prešla so leta.
Na nojži se nalovilo paučinje
Po vonjkušima i blazinami
Kak po dreviju inje.

Nekiden se narodil pišolinec,
Sosedov sin jedinec.

Se po sod je puno perja.
Letijo po zroko babičini trudi i muke,
Raznoša ih jesenski veter,
A babica se zasigurno obroča v grobu.

Marta Kopričanec, 2. razred
Voditeljica: Ivana Barić
OŠ Molve

Dečki

*D*ečki so navek zločesti,
ama baš navek,
il vičo il se bijo.

Nema toga dena
da nekaj ne delajo.

Rasrde se,
posvađajo,
zbijo se i
plačo.
Velim im da prestano,
a oni ništ.

Nišť oni ne slušajo
i ništ im ne pomaže.



Najže

Ana Krhač, 6. razred
Voditeljica: Ida Somi Rodiger
OŠ „Petar Zrinski“, Šenkovec, Čakovec

Hmajugač

*S*i me pitaju kaj je to hmajugač.
Ovak jim velim:

“Hmajugač je moj brat
jer si neče zobe prat.

Sobu si triput na leto pospravi,
i navek z menom rata napravi.

Vjutro neče dugo spati
jer veli kaj se prije crtiča treba stati.

Z juhe vum mrkvu prebira
i z tem dedo z pameti stira.

To vam je naš hmajugač
kaj leče okolo bez gač!”

Niko Kulišić, 3. razred
Voditeljica: Blanka Peretić
OŠ Jordanovac

Kak srečen bum bil

Več neko vreme
kiša leva i curi.
Velke kapi letiju.
Več pozabil sem
kak lepo je
kad sunčeko blešči.
Več pozabil sem
kak bele rožice
fino dišiju vu polju i
kak trava zelena je.
Još male i
kiša prešla bu.
Sunčeko bu opet
steralo oblačke.
Joj kak srečen bum bil!

Leonarda Lazarin, 6. razred
Voditeljica: Gordana Čosić, prof.
OŠ Dragutina Domjanića, Sveti Ivan Zelina

Črlena

Črlena je jabuka
kaj na grane visi.

Črlena je roža
kaj sonce vu nju trešči.

Črleni je lonec
na peči kaj vri.

Črleni se deklica
kad dečec vu nju gleda.



Melani Lesjak, 5. razred
Voditeljica: Sanja Jerosimić, prof.
OŠ Štrigova

Mama

*J*oš okna dišiju po jutru
i rosi,
a moja mama
na vrati stoji.

Tiskam glavu v vanjkuš,
a znam da me gleda.
I znam da je prosila Boga
za moju školu,
za zdravje naše,
za trsje,
za nebo i dežđ
i črešjo pod bregom.

I znam da sam se kaj ima.

I celi svet se v meni smeje.

Klara Katarina Lihtar, 6. razred
Voditelj: Vladimir Grudenič
OŠ Mače

Kmica

*I*de kmica, ide kmica.

I sončke se več skrile
I več kasna vura bije.

Ide kmica, ide kmica.

I sova na grane kleči
I zvezda se na nebu blešči.

Ide kmica, ide kmica.

I h vočnjaku se zaklapaju cvetovi šljive
I mjegla se spušča na njive.

Ide kmica, ide kmica.

I v hižami se svetla gasiju
I mala več deca spiju.

Kmica same mudre šuti
I čez okne nas hude gledi.

Luka Lipovac, 4. razred
Voditeljica: Tatjana Turk
OŠ „Petar Zrinski“ Čabar, PŠ Tršće

Damača rejč

*D*amača rejč lejpšja je ko natekire cvejt
je gavuoret jo treba da jo ne pazabe
naš svejt.

Svake naš kraj ima svaje lepati,
a od teh lepati so i naše besejde
ko v sakmu našen kraje drugače vrejde.

Ne treba nas bet sran,
je nigder jo ne treba pozabet
to domačo rejč i nas deco treba navadet.



Dora Marković, 4. razred
Voditeljica: Marijana Rakas
OŠ Rudolfa Strohala, Lokve

Jobuka prove

*V*a Dorinimo vrte stujin
i listje brojen.
Vesela sen kad sunce sviti,
kad rosa koplje.
Vesela sen radi njejih ku sunce žutih lasi!

Ona sake don z košičon pride,
napune ga du vrha
pa veselo projde.

Jedva čekán don
da me k sebe damuj zeme.
Tan bon zasigurno na ormóre stola,
a cela njeja kamara
pu mene bo dišola.

A možda bon va štrudlje finela!

Lucija Mlinarić, 5. razred
Voditeljica: Nevenka Petrić
OŠ „Fran Koncelak“ Drnje

Dešč

*N*avlače se crne megle
puše veter i njiše grane.
Spravla se dešč, a negdi i toča
molimo Boga da ne opane.

Curi dešč kak iz kabla
i se je mokro za čas.
Teče voda po stezi i potu
pak se čak i čuje naglas.

„Treba dešč“ – vele ljudi,
„kaj bu sega ovo leto“.
A gda sunce pusti zrake,
na nebu je sproglja, eto!

Marko Okun, 4. razred
Voditeljica: Mirjana Ištuk
OŠ „Pavao Belas“, Brdovec

Peharček

*N*a gredencu
moje bake
peharček stoji.

Odkad bake ni
samo prašinu skupla.

Negda je baka
v njemu vinčeka
iz pelnice nosila,
a nama deci je
v njemu soka delala.

A ve prašinu skupla.

Diana Papec, 6. razred
Voditeljica: Sanja Biškup, prof.
OŠ Vidovec

Mačkari

*P*epeljugu je Konan na rokama dunesiu,
Obama pak s Putinom votku pije.
Deda Mraz je jelena zgubiu,
A Michael Jackson sema pupievle...

Vouk peneze nosi,
A Crvenkapica jojca pubira.
Mlodenic pud rouku mlodenca pelja,
A vrog nikumu ne da mira.

Tak saku letu vu muoj kraj
Se moguče face duojdeju.
Neki se joku čudiju, a drugi znoju
Da tu pu selu mačkari ideju...



Luka Perković, 8. razred
Voditeljica: Vesnica Kantoci
OŠ Oroslavje

Najže

Če bi denes decu pital
kaj su najže –
male teri bi znal.
Žal mi je denešnje mlade ljudi
jer niti imaju najža
niti znaju kaj su najža
niti znaju kaj se tam
negda mogle najti.

Mudrim se hu sebe
dok se zmišljam najža
svoje babice.
Na najža moje babice
išle se po lojtre
z ganjka.
Mam pri vraca stala je banjica z mašču i
čvrčki,
luk i bažulj h bažuljinu.
H zimsku dobu na najžu se dimile mese
pak je čez krove išel dim
kak da hižica puši.
Na najža su se čuvali
i suhi špeki
i kuruza
i žitek.

Kak je na najžu bile sega pune,
i mišeki su šteli biti blizu.
Gdoj nije imel mišolofke,
puščal je h večer mačka na najže
da po noči lovi miše.

Poluknul sem nekteri dan
na najže moje babice
gda sam išel po podimljeni špekec.
Nosnice mi je dražila
tak dobra
tak domača duha.

Marija Petrić, 7. razred
Voditelj: Tomislav Mičić
OŠ Milana Langa, Bregana

Singerica

*F*ščera sem si preštundirala
kak bum denes dugo spala.
Vajnkuš sem si namestila,
na drugu se stran obrnila.
Tak mi je potreba sejnka kak pravi lek,
a onda je plačučki v sobu došel bracek.

Mam mi se rezdaniło,
pak sem ga pitala kaj se pripetilo.
Povedal mi je celu priču:
on si nema kaj obleči, a fašnik je vu vrtiču,
baka je na vrtu, starci deladu,
a ostali nemadu vremena jer se vučidu.

Z kreveta sem se nekak stala,
zašla sem na najžu i sa veš sprebrala.
Se mu je prevekše bilo i bracek se rastužil:
od majic, hlač i lajbekov niš se mali ni videl.
Sega sem preiskala i dost tog našla: staru vekericu,
igračke i v kutu z plahtom pokritu singericu.

Vzela sem si stare krpe i dela ih prat
i onda sem se prijela singerice i počela šivat.
Ko zna kaj bu sad zišlo z toga,
kad sem zišila, nis' znala di ide ruka, a di noga.
Bracek me milo gledal kak da mu popevam ninanajku,
tak je bil sretan i to sad ne bi menjala ni za najlepšu senjku.

Jurica Planinc, 5. razred
Voditeljica: Jasna Horvat
OŠ Ivana Perkovca, Šenkovec

Mrzlina

*P*ahula, pahulu dosiže,
pobilile su hiže.
Vitar takaj beži,
se oko sebe hladi.
Zajec h trnacu drmi,
ni jabuk, ni listja ni.
Tiček ga spot strihe gledi
i jemu jilo tanca pret očmi.
Deca se po ledu šličuhaju,
bili se tragi za jimi cakliju.
Snik z vitrum se bol sipi
dida polek šporhuta spi.
Pahula, pahulu dosiže
mrzlina nas tira f hiže.

Katarina Plantak, 5. razred
Voditeljica: Martina Barulek
OŠ „Vladimir Nazor“, Sveti Ilija

Moj dobri anđelek

*S*meli smo ga radi kak sladoled.
Sede, bele lasi kak sneg. Zobi svetliji nek drago kameje.
Čelo pono bora starosti i moke.
Smeđe oči.
Betežna sam, a te su oči pone soza kak oblaki dežđa.
Usnice njegove od starosti su ljubičosta. Visok kak stop.
Stop familije.
Roke grobe, ali snožne od mukotrpnog dela.
Siromah koji se moči za koricu kruha.
Nema ga više...
Moj dobri anđelek.
Osečam da me čuva.
Moj Dedek.

Luka Pleše, 4. razred
Voditeljica: Dragica Majnarić
OŠ Ivana Gorana Kovačiča, Delnice

Kaku je lipu bedast bet

*V*utra mote šroje
Kaku smno
Pouno pousua ima
Kaku je radi mene
Nič ne štima
A mene se baš fučka
Koj je ouča ostau
Bez ručka.
Fino je va slastičarno
pejt
i dva-tri sladoleda
poujest.
Škoulo s'n pršou
bez zadače
Rekva je noša Štriga:
„Baš me za nj briga
od nega nigdar nič
on je prove hudič”.
Učitelica maja z
roko mohne: „Noj
navode štejt i pisat
i nekaj narisat”.

Taku s'n jest po
slastičarnah
zadače pisau
i nekaj bedastega
narisau.
Rozred s'n nekaku
završeu i se une
štrebere doušou.
Va vuheh me i s'da
šimi „Z nega nigdar
nič, prove je hudič”
Kaku je lipu
bedast bet.

Nikola Pokrajčić, 8. razred
Voditeljica: Biserka Fruk
OŠ „Stjepan Radić“, Božjakovina

Pauk

*P*o zidu se penje,
Za sobom ostavlja tišinu i muk.
Komarce spred sebe tera,
Ponosno kroči mali pauk.

Noge fletno plešu,
Glava mirno promatra,
A oči seku zrak.

Oprezne i tihe,
Do mušice je stigel.
Otvoril je čube,
Skočil v prazno.

Mušica po zraku leti,
Smeje mu se, ruga.
Posrnuli pauk,
Od muke sebi noge trga.



Moja cesta

Darija Posavec, 6. razred
Voditeljica: Mirjana Posavec
OŠ Ivana Rangera, Kamenica

Nije lefke

*S*once pe parku
riše na sniegu
drievlje i germlje.

Na smicne stezice
some par ziebic
z ševice dvie.

Od rieči zazidati pesmu
očem.

Zvon na tienke zveni din-din
Pa nadebele don-don-don.

Koga čaka tie zvon?

V prešencije som.

Pe popločene steze
iščem - sebe.

Jan Lav Pugar, 7. razred

Voditeljica: Martina Marek – Marinić, prof.

OŠ „Milka Trnina“, Križ

Moj zavičaj

Kaj bi ja bez svog
zavičaja?
kaj bi bez
polja kuruze,
livada lepih,
brežuljkov malih?

U srcu je mom
moj zavičaj,
najlepši kaj
ima.

Kad ga pogledim
srce mi
v grudih lupa
kak divlji kojn.

Zvonimir Puškaš, 5. razred
Voditeljica : Jasna Horvat
OŠ Ivana Perkovca, Šenkovec

Regvet

*T*a domača šalata ,
h mojemu selu je sakomu poznata.
Bereju ga si na ledini
i makar je žuhki
sakomu je fini.
Moj tata o regvetu se zna -
kak je zdraf
kak ima čudaj želiza,
a miša se s kuhanim pažulum
bučinim vuljem
kuhanimi jajci ,
a unda paše i potirat si z vinčekum...
Najvažnije je da je zabadaf,
puna ga je ledina
bere se i ji cili dan.
Ja ga nimam rat
nečum ga jist!
Regvet mi je najlipši
kat z jenga
žuti cvit zide van
i dok jengovu lampicu
puhnem h sestrinu glavicu.

Ana Sakač, 7. razred
Voditeljica: Ivana Nogić
OŠ Ljubeščica

Moja cesta

V dalinu me vodi,
pot mi kaže,
svoje pote ne menja,
čvrsto idem po nje,
po svoje ceste.

Navek je tu,
na nje sam sigurna,
nje se prepuštam,
v nju verujem...

Moja mi je cesta,
sve lepote života dala,
utehu mi pružila,
nigdar me neje kaznila.

Moja je cesta čvrsto, čvrsto na zemle.
Nje se držim, i po danu,
i po noči,
v dobroti, zlu i samoči.

Antonia Stepanić, 4. razred
Voditeljica: Jadranka Vuković
OŠ Gradec

Megla

*M*egla se vleče po bregu i dolu
Hiža se stišče kak da je v bolu.

Svugde je tmina,
dohaja nam zima.

Trudne su stope
vsakog selaka,
kak megla se vleču
čez putelke.



Nikola Šanjug, 6. razred
Voditeljica: Marija Bolšec
OŠ Antuna Mihanovića, Petrovsko

Jutro

Se je još tiho.
H dolini je muk.
Za bregom se nebo žari.
Tek jena strla
probola je list.

A teda se žuta kugla
najemput pokazala.
Mladi je vetrek
travu i cvetje dragal.
Megla kak šlajer se vlekla,
a traki sonca su spili rosu.

H dvorišu se larma.
Krava tuli, gujcek zguda,
Kokot popeva, kokoš kokodače,
Pes zalajal, picek zapijukal,
Očin traktor zabrundal.

Još je jen den počel!

Sara Laura Šarancić, 7. razred
Voditeljica: Mirjana Rajter
OŠ Brezovica

Dijalektni haiku

*K*išica stiha curi,
tičeki mučiju.
Vetrek.

Putič te čez
trnac pelja
Črleni se čriešnja.

Čez lug v
moje dvorišče
jagode dišiju.

Tice mučiju.
Zapara. Se
počiva.

Lucija Škreb, 8.razred
Voditeljica: Nevenka Šušljek
OŠ Ante Kovačića, Zlatar

Manekenke


*D*a bi manekenka štela biti
muoram trideset i tri kile menje imeti,
same kratke minice nusiti
ciele dane vu štikljini huditi.
Naviek na diete biti
same tuoplu vodu piti
i siruovi jajci si ju putirati
na čukuladu se nej vupala zmisлити
svoje douge noge nej smiela pukriti,
same lasi saki čas muorala bi farbati.
A pred zrcalem puol života stati
pu piste se špancierati
i pred novinari se kehljiti
o krize im guvuriti,
a z dijamanti se pukriti
sakuga kumada bi mogla imeti
i ž njim pu Parizu huditi
i tak bi mi se du trideset i petuga ljeta moglje biti
a poklje toga se za se
nej mogla niti zmisлити.

Nikolina Škrlec, 5. razred
Voditeljica: Nada Slišković, prof.
OŠ Ksavera Šandora Đalskog, Donja Zelina

Kruhek je Božji darek

*K*ak je domači kruhek božji darek,
Morame ga imeti rada za navek.
Mamica v jutre miluje drago detešce,
Tak vreden je krušec, kak da se smeje.

Kruhek je najlepši darek z prirode,
Niknul z šenice, delo vredne ruke.
Zlaten je, zlatnejši neg žitna pola.
Kruhek je lubav mamičina z ognjišča.



Tomislav Špehar, 5. razred
Voditeljica: Matilda Marković
OŠ Draganići

Jesen

*J*esen je dešla,
na prsti se k nam prism'knala.
Ni misliti nam ni dala
da bu tak noglo
blišeče nam sunce zgasila.

V ruke je bome zela čuda forbi.
Se nam je brige,
žbune, grmle i trse se
ofarbala v riđe i krvave forbe.

Pa se po sem se krvari.
Al' ni mi žal!

Nek su i listi si žuti,
nek su mrtvi i suhi,
nek opodeju nakla si
tak da im ni spominka ni.

Ni mi žal!

Glej, tu v našim slivaru
žutiju i krvariju zrele ruške i jabuke.
Trsje v gorica zlatni nam bleši,
a slive se plaviju
koj da me to se
k sebi zeve.

A jo...

Jo sam najsretniji pod svu brojdu.

Da s'mo znate k'kvi su ti grezdi!

Kak mi se veselo smejeju,


kak me na glos jako zeveju

i kak mi s'mo namiguju.

Nikola Špoljarec, 6. razred
Voditeljica: Gordana Čosić, prof.
OŠ Dragutina Domjanića, Sveti Ivan Zelina

Nevreme

Oblaki črni, teški od dežda
spremaju se spustiti
suzu Buožu.
Viher puše
i več kapi dežda
nesi mi v lice.
Grane se frčeju do zemle
kak da se klanjaju.
Tam negde, za šumu,
striele se nebeske bleščiju.
Grom je zagrmel
kak da mi veli:
„Žuri se dimo, buš zmokel!“



Marin Štimec, 6. razred
Voditeljica: Sanja Klarić, prof.
OŠ "Petar Zrinski", Čabar, PŠ Gerovo

Vure

Ko dama paglidaš na vuro,
na vure je sjedma.
Paglidaš za pit menut,
a na vure sjedma i štrdesit i pit.


Ko se v škuole
pa paglidaš na vuro,
na vure
devjeta i tridesit.
Paglidaš za pu vure,
a na vure devjeta i tridesit i ana menuta.

Nebedon me na muore reč
da vrejme istu prehaja
ko se dama
al pa v škuole!

Paula Tomica, 4. razred
Voditeljica: Maja Sinjeri
OŠ „Đuro Ester“, Koprivnica

Kod babice na selu

*B*ila sem na selu,
na belu nedelu.
Igrala sem se tak,
kak pravi mali veselak!
Ganjala sem čučice po velikomu dvorišču,
brala sem črlene črešnje na visokom drevu.
Bile su slatke kak cukor v piksi.



Katja Topolovec, 4. razred
Voditeljica: Gordana Marsenić
OŠ Cestica

Hudi cajti

*N*evnuagi krat mi je babica
Znala reči,
Dok smu sidele v zimi
Pri peči:
- Draga moja Katica,
Negda su ti hudi
Cajti bili!
Si smu z jedne kupice pili,
Z jedne smu zdele
Grah jeli,
A mesu smu se veselili
Samu ub kaki nedeli..

Na krušni peči smu spali
Kaj na jednu postelu smu nija
Si stali.
Kupali smu du trdne kmice,
Nijesmu imeli nikakve kreme
Za roke i lice..

Bilu je hudu,
A bilu je i veselu
Dok smu žrv ubračali,
Da dubimu melu.
Dok smu na čerhaje perja išli,
A tam su se puce i dečki zišli.
Pri plesu se malu stiskali,
A za tua nisu japek znali.

I još k tumu, - tak veli -
Joj dragi moji ludi,
Nazi vam buju došli
Taki cajti hudi!

Sebastian Tukač, 2. razred
Voditeljica: Barica Mlinarek
OŠ Breznički Hum

Kaj da dielam?

*D*ežđ curi, veter puše. Ščera je bile liepe, al' došla je noč.
Mesec više ne svieti, megla se vleče,
kaj da dielam, nek to pišem. Kravica još spi, maček gledi
svojim bleščavim očmi. Pes spi vu svoje hiži. Čaka kosti.
Gledim čes obluk. Ptiči letiju popevajući.
Froštukelj je na stolu, kuhane jejce i kruh.
Moram brže jesti kaj stignem v cierkvu.



Valentina Vrtarić, 3. razred
Voditeljica: Barbara Bogović
OŠ Antuna Mihanovića, Klanjec

Sličica

*G*da rišeš zagorsku
sličicu
moraš imeti ftičicu.

Narisati moraš pune klet
i barem jen cviet.

Moraš deti i štalicu
z bar jenu kravicu.

Sunce i hižicu na briegu
i Sutlu pri Zelenjaku.

Dodaj još dečeca kak se smeje
i to je Zagorje.

Kristijan Vuković, 5. razred
Voditeljica: Dubravka Delač-Domjančić, prof.
OŠ Kardinala Alojzija Stepinca, Krašić

Proliće u mom selu

*K*ad dojde proliće
U moje selo
Moj sused veli
Da je proša beli,
Ptice pjevadu,
U čerišnje ctvatidu.
Moj susedi
Primidu se posla
Na njivama i
Vrtima, i u
Trščima.
Kakvo vam je to
Moje selo u proliće
Lipo, a još lipše biti će.

Lovro Zenko, 3. razred
Voditeljica: Ankica Dmejhal
OŠ Ivana Grande, Soblinec, PŠ Adamovec

Jednoga jutra

*L*ahor je vlati svijal
čelec je čele prizival.

Jednoga jutra.

Zadaču sem pisal
žuril sem se i greške
niesem brisal.

Jednoga jutra.

Niesem se zmisлити znal
kaj bi mame od srca dal.

Jednoga jutra.

Obične jutre je bile
A tulike sonca je krile
Mamine roke su me prigrilile.

Lovro Zenko, 3. razred
Voditeljica: Ankica Dmejhal
OŠ Ivana Grande Soblinec, PŠ Adamovec

Raspele

*T*am se križaju poti
Isus raspeti gleda nas
i šuti.

Puskrivečki nešte ga
cvetjem kiti.

Znam, moja baka mu se
oče puklujni.

I ja sem se puklojnil
Spasitelju raspetom.

Čuvaj nas i brani, štiti
i narani,
Bože naš,
ti jedini tajnu ovoga sveta znaš.

Iris Žuti, 8. razred

Voditeljica: Sunčica Križan-Kadi, prof.

OŠ Novi Marof

Zdenček

*Z*denček moj!

Si su te pozabili.

Samo tu

V grmlju stojiš

I šumiš.

Negdar su se žurili k tebi

Da se mrzle,

Fine vode napijejo,

Da žeđ vgasiju.

I staro, i mlado,

I celo stado.

Ve si kak bogec.

Niti pota k tebi ne.

Samo se žalosno javljaš

I dozivleš:

Dojdi!

Dojdi!

Napi se vodice moje,

Ak se na me još zmisli srčeko tvoje!



Kazalo autora likovnih priloga

- Str. Autor/autorica ilustracije
3. Ana Kapetanović, 7. razred
OŠ Antuna i Ivana Kukuljevića, Varaždinske Toplice
14. Helena Horvat, 5. razred
OŠ Side Košutić, Radoboj
17. Mateja Jug, 8. razred
OŠ Franje Serta, Bednja
21. Nika Dušak, 8. razred
OŠ Antuna i Ivana Kukuljevića, Varaždinske Toplice
25. Sven Mandić, 5. razred
OŠ Petar Zrinski, Čabar
36. Marta Čivrag, 4. razred
OŠ Antuna Mihanovića, Klanjec
40. Lucija Trojko, 8. razred
OŠ Vidovec
55. Ivana Ambrušec, 5. razred
OŠ Gradec
59. Ivan Antolković, 8. razred
OŠ Ksavera Šandora Đalskog, Donja Zelina
62. Filip Tomorad, 8. razred
OŠ Dragutina Domjanića, Sv. Ivan Zelina
64. Marko Antonio Cug, 3. razred
OŠ Đuro Ester, Koprivnica
67. Sebastijan Tukač, 3. razred
OŠ Breznički Hum
73. Franjo Horvat, 4. razred
OŠ Novi Marof

Osnovne škole koje su se odazvale na natječaj

- OŠ "Antun Nemčić Gostovinski", Koprivnica
- OŠ "August Cesarec", Krapina
- OŠ "Braća Radić", Koprivnica
- OŠ "Đuro Ester", Koprivnica
- OŠ "Fran Koncelak", Drnje
- OŠ "Milka Trnina", Križ
- OŠ "Pavao Belas", Brdovec, Prigorje Brdovečko
- OŠ "Petar Zrinski", Čabar
- OŠ "Petar Zrinski", PŠ Gerovo, Čabar
- OŠ "Petar Zrinski", PŠ Prezid, Čabar
- OŠ "Petar Zrinski", PŠ Tršće, Čabar
- OŠ "Petar Zrinski", Šenkovec, Čakovec
- OŠ "Stjepan Radić", Božjakovina
- OŠ "Vladimir Nazor", Križevci
- OŠ "Vladimir Nazor", Sv. Ilija
- OŠ Ante Kovačića, Zlatar
- OŠ Antuna i Ivana Kukuljevića, Varaždinske Toplice
- OŠ Antuna Mihanovića, Klanjec
- OŠ Antuna Mihanovića, Petrovsko
- OŠ Belec
- OŠ Breznički Hum
- OŠ Brezovica
- OŠ Brod Moravice
- OŠ Cestica
- OŠ Domašinec, PŠ Dekanovec, Dekanovec
- OŠ Draganići
- OŠ Dragutina Domjanića, Sv. Ivan Zelina
- OŠ Franje Serta, Bednja
- OŠ Gornje Jesenje
- OŠ Gradec
- OŠ Ivana Gorana Kovačića, Delnice
- OŠ Ivana Grande, Soblinec, PŠ Adamovec
- OŠ Ivana Perkovca, Šenkovec
- OŠ Ivana Rangera, Lepoglava
- OŠ Jordanovac, Zagreb
- OŠ Kardinala Alojzija Stepinca, Krašić
- OŠ Ksavera Šandora Đalskog, Donja Zelina

OŠ Legrad
OŠ Ludbreg
OŠ Ljubeščica
OŠ Mače
OŠ Milana Langa, Bregana
OŠ Molve
OŠ Novi Marof
OŠ Oroslavje
OŠ Otok, Zagreb
OŠ Rudolfa Strohala, Lokve
OŠ Side Košutić, Radoboj
OŠ Šemovec, Trnovec Bartolovečki
OŠ Štrigova
OŠ Vidovec
OŠ Vjenceslava Novaka, Zagreb
OŠ Vugrovec, Kašina
OŠ Vukovina
VII. OŠ Varaždin



